

"100 onns – ed insumma betg museal". Cun quest titel ha Ruth Spitzenpfeil undrà il giubileum da 100 onns dal Museum d'art dal Grischun en la «Südostschweiz» dals 26 d'avust 2019. La decisiun da betg festivar il giubileum cun ina recapitulaziun istorica, mabain cun metter l'art e l'access a l'art en il center è stada in success. Passa 38'000 visitadras e visitaders han sa laschà intgantar da las exposiziuns d'alta qualitat e da las occurrenzas multifaras. Gia a la festa da giubileum da l'Uniun grischuna d'art avain nus pudì beneventar passa 930 giasts. Senza dubi stat adina il giubilar en il center da l'anniversari. E tuttina na dastg'ins betg emblidar che l'Uniun grischuna d'art è stada per il Museum d'art dal Grischun in impurtant agid per la fundaziun e durant tut sia existenza fin oz, passa 100 onns pli tard. Per che quai restia er en l'avegnir uschia dovri commemoras e commembers sco era fauturas e fauteurs da tut las vegliadetgnas. L'onn da giubileum è damai stà deditgà a la recrutaziun ed a la tgira da commembers e da fauteurs. Novissimamain empruvain nus da gudagnar vischnancas sco commembras. Attenziun speziala dain nus als uffants, giuvenils e giuvens creschids. Per l'Uniun grischuna d'art èsi impurtant d'avischinar ils uffants e giuvenils a l'art. Quai na vul ella betg mo far cun ina purschida attractiva per commembers, mabain era cun meds d'intermediaziun che correspundan als basegns ed a las spetgas actualas dals

uffants e giuvenils. La finanziaziun dal cudesch da maletgs "LUNA. Ina notg en il museum" è stada in emprim pass. In segund pass è la cooperaziun cun artsnext finanzia da l'Uniun grischuna d'art. La finamira è da sviluppar communablamain, en collavuraziun cun umans giuvens, ina nova purschida che sveglia l'interess dals giuvenils per il Museum d'art dal Grischun e che permetta interacziuns. Nus essan gia oz spanegiads co che questa purschida vegn a sa preschentar.

Lavur en suprastanza

En tut è la suprastanza s'inscuntrada il 2019 a quatter sedutas ordinarias ed a diversas sedutas da gruppas da lavur. In tema central è stada ina giada dapli la dumonda, schebain il model dal Museum d'art dal Grischun cun sia uniun purtadra correspundia anc al temp. A la sesida dals 12 da mars 2019 tranter il Departament d'educaziun, cultura e protecziun da l'ambient dal Grischun, l'Uffizi da cultura dal Grischun e la direcziun dal Museum d'art dal Grischun ha il president da la Regenza dr. Jon Domenic Parolini supplitgà nus d'explitgar noss giavisch en scrit. Consequentamain ha la suprastanza elavurà ina vasta survista da models d'organisaziun pussaivels. Il president da la Regenza dr. Jon Domenic Parolini ha empermess a nus da prender posiziun en chausa l'onn 2020. La suprastanza ha tractà las suandantas fatschentas:

- il program per las exposiziuns temporaras 2020
- il budget 2020
- la creaziun d'ina piazza indeterminada sco manadra/manader da fatschenta da l'Unìun grischuna d'art
- il viadi d'art da tschintg dis a Marseille dals 2 fin ils 6 da settember 2020
- il concept da sponsoring e da fautors
- l'occorrenza da fundraising 2020
- la creaziun d'in catalog da criteris per commembranzas d'onur
- la prolungaziun dal contract da catering cun l'Uffizi da construcziun auta dal chantun Grischun
- la surpigliada dal patrunadi per l'Annuari grischun d'art e cultura

Assistenza administrativa

- La midada da la piazza temporara da Caroline Morand sco assistenza administrativa ad ina piazza indeterminada sco manadra da fatschenta da nossa uniun è nunditg preziosa. En spezial ha sia lavur cumpiglià ils suandants puncts:
- la realisaziun dal concept da fautors
 - las activitads da fundraising per las exposiziuns
 - la creaziun ed administraziun d'ina pagina-web da l'uniun
 - l'organisaziun dals viadis d'art
 - l'organisaziun da las occorrenzas per commembers
 - il fundraising e la collavuraziun al project per il cudesch illustrà "LUNA. Ina notg en il museum"
 - la direcziun dal project per la festa da giubileum
 - la preschientscha al Di internaziunal dals museums, en la Höflibeiz ed a la Sonda lunga

Exposiziuns

Las exposiziuns ed occorrenzas durant

l'onn da giubileum èn stadas in success cun passa 38'000 visitadras e visitaders ed han chattà fitg buna accoglientscha en las medias. L'exposiziun "Martin Disler. Die Umgebung der Liebe" è vegnida averta en preschientscha da 400 giasts ed ha attratg fitg blers interessents da dalunsch e damanaivel. Las sculpturas contemporanas en l'exposiziun "Flurin Bisig. Am Saum des Sinnes" èn stadas ina sfida interessanta. Fitg populara è stada l'exposiziun "Aus der Tiefe der Zeit. Kunst in Graubünden vor 1530" da Peter Zumthor e Florio Punter en la Villa Planta. L'exposiziun da stad captivanta "Passion. Bilder von der Jagd" ha carmalà cunter nossas spetgas mo paucas chatschadras e paucas chatschaders en il museum. In grond public e numerusas venditas hai dà tar l'exposiziun en il labor dad Andriu Deplazes e sco usità tar l'exposiziun annuala d'artistas e d'artists grischuns.

Premi d'art

Il premi d'art 2019 ha gudagnà – sco gia menziunà l'onn passà – Flurina Sokoll. Da nov cumpiglia il premi, dasper la publicaziun, ina preschentaziun singula. Flurina Sokoll è stada l'emprima artista che ha pudì concepir ina tala preschentaziun en il rom da l'exposiziun annuala. L'exposiziun ha dà ina buna invista en sia lavur. Sias installaziuns particularas reflecteschan a moda clera e perspicazia nossa relaziun cun la vanadad e la persistenza.

Occorrenzas per commembers

A nus statti a cor da pudair engraziar a nossas commembras e noss commembers sco er a nossas fauturas e noss fautors per lur fidaivladad e la finanziaziun da basa impurtanta cun permetter ad els experientschas

artisticas spezialas ed inscunters extraordinaris. Ils resuns cumprovan ch'ils commembers stiman questas occurrenzas. Il 2019 hai dà las suandantas puschidas:

- la prepremiera gratuita dal film "Eisenberger - Kunst muss schön sein, sagt der Frosch zur Fliege" da Hercli Bundi ils 24 da mars 2019 en il center da kinos a Cuira
- in'occurrenza per commembers ensemen cun las instituziuns partenarias da l'axa culturala (museums d'art dal Liechtenstein e da Son Gagl, chasa d'art da Bregenz) en connex cun l'exposiziun "Martin Disler. Die Umgebung der Liebe" ils 2 d'avrigl 2019
- l'excursiun d'art a Losanna en il nov Musée cantonal des Beaux-Arts ils 2 da november 2019

Viadi d'art

Il viadi d'art da tschintg dis ha manà nus dals 18 fin ils 22 da settember 2019 a Copenhagen. Stephan Kunz ha danovamain organisà in program interessant cun art en il spazi public, la visita d'ina biblioteca, girs interessants che han mess l'accent sin la construcziun urbana sco era la visita da la baselgia da Grundtvig e da numerus museums a Copenhagen ed ordaifer la citad. Quest program varià ha procurà per bliers temas da discussiun ed ina buna atmosfera. Nus admettain in grond engraziament a Stephan Kunz per sias explicaziuns cumpetentas ed a Caroline Morand per l'organisaziun perfetga.

Café dal museum

Durant l'onni da rapport ha Gault&Millau undrà il café dal museum sco in dals diesch pli bels cafés da la Svizra. Nus gratulain da cor a Christina Lindquist ed a ses team. Il dumber da giasts crescha

continuuadamain. D'ina vart è quai legraivel, da l'autra vart èn las sfidas da l'infrastructura mancanta uschia anc pli evidentas – p.ex. ch'i na dat anc adina betg ina cuschina separada. La suprastanza ha perquai decis da laschar far danovamain in'analisa da gastro pertutgant las pussaivladads d'optimaziun.

Numerusas personas ed organisaziuns han contribui l'onni da gestiun 2019 al success dal Museum d'art dal

Grischun. In engraziament spezial va:

- a la regenza dal chantun Grischun
- al president da la Regenza dr. Jon Domenic Parolini, al Departament d'educaziun, cultura e protecziun da l'ambient dal Grischun ed a Barbara Gabrielli, manadra da l'Uffizi da cultura dal Grischun
- a Markus Zwyssig, manader da project da l'uffizi da construcziun auta
- al team da directurs cun Stephan Kunz e Nicole Seeberger ed a tut ils collavurats dal Museum d'art dal Grischun, surtut al directur artistic Stephan Kunz per ses engaschi singular e per la collavuraziun excellenta, sco er a Damian Jurt per sia lavur preziosa sco curatur
- a Christina Lindquist, fittadina dal café dal museum, ed a ses team
- a la Fundaziun collecziun d'art dal Grischun
- a tut las donaturas e tut ils donaturs sco er a tut las fautors e tut ils fautors
- a tut las commembras e tut ils commembers da l'Uniun grischuna d'art per lur fidaivladad
- a tut las fundaziuns e tut ils sponsurs per lur sustegn finanziel
- a Caroline Morand, assistenza, per ses grondius engaschi
- a mias collegas e mes collegas da la suprastanza ordvart engaschads